



厭聽樓船雜管絃耳根清淨小西天朝朝暮暮問亭
子滿耳松風滿耳泉

題扇

白沙翠竹裹桃花合是愁吟野老家寫罷捲簾欣賞
處萬條新柳半天霞

二

多時不到曲中飲豔曲於今絕不吟對酒但思當日
事定逢好夢苔春心

三

醉後忽悲夕陽下卻喜明晨可復來打點欲赴野老

寶綸堂集

七言絕
卷之九

三六

酌又恐不到翻經臺

慳

行年五十始知慳柴米經營不得閒筋力也慳須用
了少停筆硯聽綿蠻

寄藍田叔

小園近日可邀君手種梧桐已拂雲半畝清陰吾所
欲一窗秋雨待君分

病咏

坐我書堂水幾灣三分水木七分山浣花溪上非吾
分宜帶沉疴住此間

二

病夫省事偏多事檢點焚香勞病夫卻喜文犀鈿合
子牛頭龍腦一星無

三

卻病看書好藥方雪梅幾朶坐書堂何方吟得詩魔
去又見爐烽下夕陽

四

不圖君國不爲人安用生爲惜此身不若醉埋蘇小
墓墓碑題曰酒徒陳

寄友

寶綸堂集

卷之九

七

子愛才如我愛才廿年相約不曾來只今鐵騎如銀
壁未必能來來便回

自病中偶成

病中節飲殊非福形與神違夢輒驚想到故園零落
盡道心損了二三更

飲酒

兵革逢春老病身病身敢自外於春佳山佳水佳樓
閣酒政森嚴醉野人

自遣

種茶種竹護殘生選個峯頭未必平強醉故人桑落

酒眼看烽火照西京

示鹿頭

無處耕田且讀書師生父子杏花居先將貧士書深
讀父子恩深孰過予

自遣

春過明朝安在哉遲翁雖病擬分杯酒錢難借榆錢
用想個知心載酒來

借書

貧士傳從吳客借逸民史自越山來諷咏朝朝三五
頁神交日日四三四

寶綸堂集

七言絕
卷之九

字八

金粟園

八百桑園蓮廿畝十株叢桂閣三重對山著述今無
望輦鼓統統三老公

卽事

長老鬪筭一千錢村姑買酒錢一千芒鞋竹杖頗可
住戰馬多拴大樹邊

其二

自誇衰病卽成翁眼未昏花耳未聾醉聽金衣公子
語出些酒氣石林巾

其三

山光溪光明且長山花溪花深且香忽然念及霜雪
後水窮木落山蒼蒼

與叔廸

二十八年雙塔寺丁香花下示佳文殘生舊事猶能
說兩個頭陀各認君

二

統統鞞鼓歲將除隨地能容老蠹魚山水詩文分類
友自緣曾讀白公書

書寄朱士服

不耐開看老子書幾番捲卻幾番舒官齋借得茅房

寶綸堂集

七言絕
卷之九

五

否還有三升良醞與

與友

夢回喜不又還家瓶裏新添芍藥花忽憶楊家天寶
事隔簾紫玉教琵琶

二

枯柳衰楊寒日西千群武士馬騎嘶回頭只憶先生
好月到柴荆話老妻

三

官在吳山可放閒藕花清夢幾回灣何時畱犢齊雲
去只看人家屋外山

偶感

三年一日慶餘生
落落長松風日清
一曲十三弦韻
絕畫眉卻好兩三聲

二

宣廟觀梅賞雪辭
教坊兒女遍傳之
郎官撩我孤臣
恨不讓撩人第一枝

三

合尊寄語林和靖
分付梅花隨意開
南內飛龍隨帝
子三年也不見歸來

四

寶綸堂集

七言絕
卷之九

三

家有溪山小結茅
半間佛藏半書巢
陣雲隔斷三年
後近日新聞汲虎跑

五

髡奴外史是家傳
忠孝當身歸研田
灑淚亂山殘雪
夜敬書乙酉甲申年

六

竹山尋得少茶山
尋得危峯少水環
世界莫言無闕
陷此心完滿十分難

七

幾條病骨已勝秋
數點寒山當小樓
猶想西湖寒潦

看起來畫角斷橋頭

大士

晨夕盤桓綠玉君甚風老雨不相聞朝來所畫觀音像添得溶溶一朵雲

東望寄八叔約復過永楓庵

何日溪行乞再携白羊幾隻草萋萋君思江北春天否楊柳鵝黃戰馬嘶

偶感

孟堅寂寂掩柴門孟頫軒軒作狀元國破筆端傳恨處水仙須學趙王孫

寶綸堂集

七言絕
卷之九

三

二

故山喬木遭兵火惡竹沿溪盡不留老學東坡栽樹法只栽苦竹滿溪頭

三

舊客石橋懷舊日黃蘆苦竹雨濛濛重看君詩傷往事牀頭幸不種梧桐

柬友

風定湘波金剪刀幾時重補舊青袍秀才詩句儂能讀將近霜飛寒月高

二

半年真個獨登臺恨汝來遲喜汝來昨暮老僧來約
道南山還有桂花開

三

諸公鄭重惜殘春洪醉渾身臥戰塵一日生存歡一
日如爲一日太平人

寄予安長時舟次淮上

新詩寄與王公子一路相思無奈何西子湖頭應計
日不知猶未渡黃河

寄朱集庵

晴雨相催桃蕊綻病夫開得酒看無遙知南鎮祠前

寶綸堂集

七言絕
卷之九

三

路定有遊人問病夫

春日病中寄友

每年只作遊春客今歲身爲載病人遊屐高懸調藥
餌絳桃花下伴含嚙

二

既能爲我尋良藥亦應爲我減三杯不論病除先刻
日觀音生日踏春來

壽王岐叔六十

先生解組已稱翁杖履青峯綠野中壽酒淋漓花月
夜老人星更有高風

無見樓卽事

小樓新霽蕙初香
蜂子來尋一歲糧
幾次開窗都放
入免他傷翅見君王

偶成

松竹閒雲自得師
溪山涼月好爲之
客來絕口談風
教便問山翁翁不知

諸暨道中

竹籬茅舍也遭兵
五十衰翁揮淚行
我有竹籬茅舍
在可能免得此傷情

別五洩茂真

寶綸堂集

七言絕
卷之九

三三

難別真公如送春
真公煮酒日相親
江皋花草當寒
食吹笛三更想殺人

松濤館贈王路四弟

千尺凌虬插石頭
半天風雨撼高樓
阿章好把吳綃
拂盡得寒圖飛碧流

寫與來季子鎮之

髯君幼子好丹青
狗馬山川各有情
若與老蓮同筆
墨寫生寫意更分明

題美人

曲沼芙蓉倚暖風
靜思寫得女郎工
麗人名筆皆難

得異錦奇香藏閣中

有贈翠卿

五洩山中風雨夜喜君匹馬渡深溪傳杯亂石危峯
下寫得新詞悲欲啼

喜黃六至雪夜飲作

談文已定元宵後可喜能於臘底來蕭寺夜深聽雪
積一尊新酒撥爐灰

雪夜與黃儀甫飲

春花秋水樓臺上幾載黃君與我同未得雪山深夜
語今宵得語雪山中

寶綸堂集

七言絕
卷之九

五

懷兄

故國梅花應滿枝阿兄杖履亦多時年年醉我梅花
下不寫梅花便賦詩

燈下醉書

幾朝醉夢不曾醒禁酒常尋山水盟茶熟松風花雨
下石頭高枕是何情

醉中書懷

青山到處便成家不得出門每自嗟若得西湖橋畔
住妻兒楊柳共桃花

竹枝辭

想殺湖頭大小蘇卻連十五笑當墟單衫杏子如今
日擲得纏頭一尺無

與以寧兄飲醉中促筆書贈

月兒推起涼風外着我呼君長短歌餘卻望時如水
色竹邊諒是酒邊多

題陶水師硯

勒鼎銘鐘不問天漚麻種果事皆便餘閒多在南山
下割取春雲耕硯田

聞米價書示佃人鹿頭羔羊

米錢雖貴不須虞囊裏畱看一個無秋月不容塵思

寶綸堂集

七言絕
卷之九

三五

對此心猶要似冰壺

示鹿頭羔羊虎賁

小兒猶着木棉衣夏盡還無一弊幃家訓師資雖不
足飽些霜雪豈云非

又

自笑貧兒妄想奢不圖佛國與仙家只圖種子無饑
死趁個漁船主蓼花

壽商綱思

蒸餅雲根作醉人挑刀走戟廢生辰兩人只聽因緣
去莫想桃源去避秦

慰失書

領袖儒林不可期
父書徒守亦難之
此身已悟非吾有
安用芸香臥架爲

在坂

人人閒說閒時好
及到閒時不肯閒
邀得能閒好朋友
一壺清酒看青山

感時

年來轉眼流光換
吹動春風午日長
遊人踏破穿陰脚
偷得忙時幾度閒

二

寶綸堂集

七言絕
卷之九

三六

不道山居便得生
山居今日也心驚
烟霞洞口逢樵子
手採松花談甲兵

三

昨日流鶯今日蟬
起來又是夕陽天
六龍飛轡長相窘
更忍乘飛自着鞭

壽友

蓬萊弱水三千里
王母蟠桃一萬年
鳳鳥自歌鸞自舞
直教脚到壽尊前

曉發吳江

燭換酒寒無好懷
呼童畧把相思語
雨水嘈嘈雞未

啼打鼓發船烟裏去

二

今日誰能作遠遊
離情少慰是揚州
花醲酒釀忘歸日
顧憶雙親又白頭

自遣

看書過了始看山
山看移時書復看
兩事可能無一否
可憐都在小窓間

二

女郎嘆盡桃花落
力疾池頭急探之
莫嘆紅梅強半落
綠梅強半未開枝

寶綸堂集

七言絕
卷之九

三

三

大夫戒我吟詩苦
誰諭花枝與鳥聲
藥後和兒花鳥句
春波小月見吟情

四

夢去藥師庵裏飯
青曹宗主乞新詩
書完可惜分將手
亂拗山礬數十枝

東友

刀劍鋒頭老友還
商量同入古松關
勸君莫戀卑官好
好戀茶山與竹山

二

空口憂時甚不難對君不忍問長安一雙不借靈峯
去消受猿啼松月寒

題畫

得令之花爲水仙色香用盡可人憐范睢蔡澤相交
代蘭草山礬不計年

自感

病中受用春光好一日真如兩日長自喜病來皆福
至一房藥氣半蘭香

東愚庵

雲門月與楓溪月寺主心同溪友心應怪只貪湖上

寶綸堂集

七言絕
卷之九

三

月頓忘老學臥雲林

思酒

諸君餉酒餅都罄恥使人知巧乞憐人喜畫山來換
酒鴛溪絹貴更無錢

戊辰冬看山歸舟飲於村居

冷落蕭條塞上關征夫更苦賀蘭山平生有志封侯
事鐵騎勞勞肯不閒

二

辛勞幸不涉江關小小舟行快看山莫道催詩酒太
急筆尖忙處極爲閒

有贈

瓊樹三株望不遙
妒花風雨阻星軺
當時不過籠雲
棧定學春臺碧玉簫

夜雨聞杜鵑

帶雨拖風望帝鳴
無情強作有情聽
一生通是今宵
夢不見章臺柳色青

題亢兒携美人索句小像

六朝浪子最多情
築起胭脂十二城
和月飛來雙紫
鳳求凰莫鼓斷腸聲

謝張大寄紫白丁香花

寶綸堂集

七言絕
卷之九

三

亂繫丁香寄晚春
紫纈白笑惜流人
應從花影尋佳
夢淡見湘君登白蘋

長公遺火酒荅之

蓮子花殘秋思生
碧梧逕裏聽蛩聲
長公携酒催新
句神思飛揚詩思清

寫瓶花與兄

春流隨處碧桃開
杖倚光風酒百杯
畫贈長公清夢
覺吹簫孃子忽飛來

醉中贈內

桃花落過費春思
尊酒題詩半夜時
最喜香庵煮新

筭呼儂多進兩三卮

除夕

金馬門前第一人東坡曾說夢中身明朝逐夢尋身
去待詔依稀月一輪

夢故妓董香綃

長安夢見董香綃依舊桃花馬上嬌醉後彩雲千萬
里應隨月到定香橋

雨夜懷亡室

嗟儂自處曲房中忍爾魂棲小苑東今夜可憐倍時
夜三更驟雨四更風

寶綸堂集

七言絕
卷之九

四

寄亦公阿琳桑老

媿我有何名教責便爲清議亦堪譏不知花報生身
受多少冤親說是非

二

薄福常存積福想日將美酒灌皮囊如何消得吾能
事薰沐書經三兩行

十二日坐月

待月斜陽每數杯月來已醉倩人歆今宵喜病新禁
酒飽看緗梅月上枝

二

月照老人花底來也無歌扇也無杯衲衣藥碗淡更
坐坐得今生有幾回

與蕃仙康臣

葉生帶索白單袷沈子秋紅小樣襦連手城南聽社
鼓花氣一身撲病夫

竹枝辭

隔戶楊柳羽嬾嬾卻似十五女郎腰昨夜春風欺不
在朝來挽折最長條

寄叔迪

藉口湖山寫我憂實因賣筆久淹留寄言叔迪今何

寶綸堂集

七言絕
卷之九

四

似積得催粧新句不

壽邑宰朱君

上元人

野人學得畫山梅壽我朱侯當酒杯不索朱侯酌壽
酒一錢都是上元來

送李生之諸暨爲使君客

使君明敏大慈悲諸暨燒焚殺戮時一隙可行菩薩
道先生力勸使君爲

今夕

男頭懸馬婦乘船業在刀環天可憐莫若眼光齊落
地不知今夕是何年

二

今夕霜清月冷時醉翁只管自吟詩何勞問起城南
戰一段詩情作酒悲

題畫

享盡山居盡日閒入城難傍碧波灣尋思終是山居
好月夜柴門不用關

二

不能復入此淡山畫幅淡山屋數間夢想開看還自
悔閒人在世頗緣慳

寄陶去病

寶綸堂集

七言絕
卷之九

四三

邇來漸減老夫愁雖別山阿竹裏樓辦得家中三日
米定爲郊外一回遊

偶題 五首

紅蓼丹楓擁白頭老人亡國易知秋只憑鄰舍三家
酒夢上南湖百尺樓

少時讀史感孤臣不謂今朝及老身想到蒙羞忍死
處後人真不若前人

始覺人無忠義志不須去讀古人書山河舉目非無
感詩酒當前又自如

故山已築髑髏城夢去猶然打馬行行到楓橋楊墅

裏白頭兄弟笑來迎

人言足病宜禁酒禁酒通身病亦多最是國亡家破
恨青天白日上心窩

亦公書相促十三叔託張內生寄語

年老將歸守墓田向人借屋兩三椽弟兄尺牘淡長
計長老傳言絕可憐

二

比年邈邈已頽齡打算生平堪涕零小小結緣三寶
處雪山蕭寺且書經

吉延生徐士華商綱思王素中諸兄合錢買紙

寶綸堂集

七言絕
卷之九

聖

助予

無錢買紙有人施開口難言人自知金粟如山堆滿
案只愁洒殘失良時

二

寫經寫就是何時耳畔征鼙應不遲卻喜壺翁招寫
佛靜林香水可完之

三

城東收稻且收菱兵馬蕭蕭年卻登天教老夫窮不
死或緣可繼祖師鐙

贈桑公 三首

孝友難於貧病中桑公筆舌路俱窮可師更有糟糠婦兩侄分甘與子同

欲爲子弟作良模便寫桑公撫侄圖如此看來無甚事幾人如此一人無

貧病如卿正復佳卿能得我且寬懷畫將一幅如虬樹換得三朝似桂柴

寄蕙翁桑公

酒徒病矣我何情強作高懷漫自傾恐酒不酣眼不熟妄爲身世想經營

東登子

寶綸堂集

七言絕
卷之九

四

不過張生丘壑久胸中丘壑竟無多老蓮半百期將至柴米之餘便一過

二

萬蹄鐵騎動黃塵隨處烟霞老比鄰但得鵝兒新熟酒不知斯世有強秦

三

留得尚書舊簡編朝曦夕照讀頽然有時得意嘗沾酒燕麥花香一榻眠

斷橋贈王祉叔

蓮葉田田浴小鳧兩人想得住西湖爲文立志追先

雅作畫揣心揚古圖

畫桃花寄壽范三

山館重翻兩漢文客來書畫不相聞談君高士當初
度故作桃花來壽君

舟次德舟寄荅潘十三通判

此去神京八百里明朝千里路漫漫須知尺素當疎
闊乞把來書反覆看

臥病五洩荅寄王子安

萬山風雨臥支牀接得君書神氣揚只道過余期日
到折看知欲赴遼陽

寶綸堂集

七言絕
卷之九

四十五

寄懷陶文孫

五年懷我病文孫藥臼藤牀晝掩門花酒塵緣今盡
否莫將虛想使人昏

二橋

蓬底忽聞天霽矣看山知有好情思猶疑半爲烟雲
沒卻好烟雲淨盡時

題畫梨

舊趁清溪竹萬枝竹根斷處種紅梨作花作實多年
矣卻好看時兵亂時

中秋

半世湖山月裏生中秋一夜倍傷情可憐五載於茲
矣怕見中秋分外明

自遣

不負青天睡這場松花落盡當黃梁夢中有客割腸
笑笑我腸中只酒香

二

楊雲奇字虎頭書前輩風流總未如才德復從官裏
見斐然全璧照公車

賀性之大弟五十壽

我已昏昏過五十爲君五十賦新詩耳邊戰鼓休悲

寶綸堂集

七言絕
卷之九

四六

嘆且說鳩車竹馬時

貽友

分俸買梅三百樹畫梅相荅兩欣然贈人人愛都如
此難道人間造業錢

得米

可嘆當年薄畫師山田賣盡是癡兒若無幾筆龍蛇
筆那得長倉雪夜炊

偶咏

少年不學老來愚妄想經綸一字無猶幸少年能弄
酒老年弄酒唱吳歛

九月九日十日雨

重陽不得登高去風雨滿湖船不開欲續茱萸把酒
會今朝雨復冷樓臺

與客燈下話別

朝來風雨惱梅溪不識摧殘剩幾枝贈爾白驃明日
去香風相送踏香泥

高郎橋

客中病懷今一開二月十九花事催大士廟中飲茶
去高郎橋上折花回

辛未夏宗甫叔見遺葡萄札云野老櫻桃名與

寶綸堂集

七言絕
卷之九

四七

詩不朽僕願效之戲答二首

何事依吾身後名吾非子美負君情知吾名賴君成
否乞借藏書讀半生

偶然一事便成名野老當年無此情不過鄰居杜老
宅櫻桃相餽見平生

憶朱三

殘冬畫佛坐松龕忽憶黃郎其一酣翦燭淡談千萬
語語中一半憶朱三

壬辰人日過曲池叔翔屬書壁

城中無處無山水兼有修篁與老梅無始因緣曾結

得曲池七日第三回

閒行

不耐婆娑世界人耐人吳越兩三春吳山畱得三年
返舊日山川今日新

畫竹寄王守璜

沈郎爲我數風流江左王郎百尺樓脩竹幾竿煩寄
與秋天必到鑑湖頭

南屏醉書勸呂吉士飲

呂生詩文天下少蓮子讀之不敢言醉寫落花眠片
石長歌一聲煙水昏

寶綸堂集

七言絕
卷之九

吳

雪夜與王六飲寄朱三

千里東行欲上舟幸而初到話高樓皋亭繫馬聞絃
索不識還能相憶否

二

七年不到淡成居居士於今病已除聞說飲能傾數
斗滿亭春草著奇書

讀書靈鷲

蒲柳蕭疎滿郡城夜添山雨作江聲秋風南陌無車
馬獨上高樓故國情

寄來季

新夏萬山新雨晴烏衣巷口少人行不爲訪吾宜出
戶當此景光難寡情

醉中書與叔廸

越此兵戈冗冗時苦心學道聽安危
蟹肥稻熟秋堂上訓誥兒曹進一卮

二

老年朋友遠相過買得村醪幾
叵羅無可贈行憑畫筆潯陽江上幾峯螺

山居二首

虎嘯前村又後村老翁負石抵柴門
兩村長老呼余

寶綸堂集

七言絕
卷之九

四九

苔手拍疎桐月不昏

老子憂來何所之肥紅梅子怯風吹
摘將數顆吞清酒醉弄嬌兒讀杜詩

除夕懷北生未歸

流離送別病秋原扶病孤舟下石門
風雪江關舟定返老翁小第泣江村

愧送豹尾師子羔羊虎賁避亂

風摧木葉叫鶻鷗萬曆年間老楚囚
國破猶存妻子念曉風殘月送孤舟

寄趙璧雲

同學弟兄五十外戰場四載幸相存太平何日餘年
歲織履同叅不二門

友人勸予南京科舉時甲申菊月

二王莫勸我爲官我若爲官官必瘵幾點落梅浮綠
酒一雙醉眼看青山

二

腐儒無可報君仇藥草簪巾醉暮秋此已生而不若
死尙思帝里看花遊

三

借得青藤掛蓆門父書一束暴朝暎二王若說爲官

寶綸堂集

七言絕
卷之九

辛

事捉鼻休辭老瓦盆

過惠山弔顧叔平

惠山月午夜情生酒滴秋江弔叔平記得孤山殘雪
話收書期過石頭城

病中寄家信

門外車音雜馬嘶床頭送客數行啼只書病症三分
去也把平安二字題

飲張爾唯寓中

病中着意斷鄉思畱得形骸到此時更喜精神還未
散猶能強飲復敲詩

懷王子璵

吾聞子璵人冷善及讀其文骨欲仙好慰遐思良不
遠一溪梅雨放航船

懷沈素先

沈郎腰似隋堤柳載得春愁此獨多野棠開盡春工
歇倒掛黃鸝喚睡魔

入天竺有感

携得清狂此地來滿山秋氣桂花開今朝沉醉三天
竺前世曾登七寶臺

牀上四首

寶綸堂集

七言絕
卷之九

五

雪窓夜飲到三更寫得新詩雞亦鳴纔上胡牀眠未
熟佛堂幾棒木魚聲

讀書年老無多日又對春花作病人再世若逢書積
處何勞復戀老年身

思量不用詩排遣排遣窮時再咏詩老嫗諫時神亦
倦八哥爭碎絳桃枝

有益於人病不除雖多思夢喜山居芭蕉新種疎疎
雨課得諸兒兩日書

送來商老之粵西隨馬湖先生分守賓州

窮經讀史一無成只好溪山自放情羨子書生能遠

大帳中父子笑談兵

漁浦

江山清曉叫黃鸝風正帆輕懶上堤卻喜山靈償好
夢夢從湖北到湖西

有感

獨斟村酒兩三瓢忽聽冰筋落數條幾夜風寒纔滿
尺半軒朝日便能消

長江答寄聞子將先生

寄得高文大辯才一篇必讀兩三迴春江艇子桃花
畔不放餘閒去看來

寶綸堂集

七言絕
卷之九

五

有贈

湖山冷靜雪飛初尋得西陵金素珠淡坐焚香無一
語對他極耐了殘書

永楓庵臥雪有感

深岩積雪凍烏鳴多少貧家嘆折鐺難作望烟樓上
看小龕高臥感生平

武城曉發

莎雞泣月征夫淚瘦馬嘶風宿霧中志在看花遊帝
里如何乞食下山東

雪夜

病骨支離三月賒歸期已負覓梅花滿庭積雪春寒
夜手拍牀頭感歲華

送樓浴立南歸

喜君先我歸家去爲我親朋俱說知愁病半除歸念
急廻舟只在暮春時

九日不見菊花

貧兒劣得買秋光一片豬肝酌草堂着意欲忘離亂
事重陽不見報重陽

寄壁生素先子安時同居龍山

年來相顧各飄零負卻南山相證明今日又無陳二
寶綸堂集

七言絕
卷之九

三

在稽山夜雨感生平

壽某

不識何時復太平老年兄弟倍多情索儂畫幅神仙
菜當個鷓頭吹玉笙

冷泉亭作

半間小閣五株松畱我翻經對萬峰每坐冷泉亭上
話話君明日定相從

獨步

外六橋頭楊柳盡裏六橋頭樹亦稀眞實湖山今始
見老夫行過更依依

湖上

金沙灘上懷白老高麗寺前思蘇公不得共談二子
事相與同飲九里松

送春

并序

庚寅四月三日林仲老書邀老遲云明日邀次升
元方老蓮弟爾暨郎君儒行過我眉舞軒已約尹
文老蕭數青爲酒錄事有顧煙筠遂絃索汪拜仙
胡琴簫鼓秦公卓笙管王蘇州璈老文唱流水以
送春歸時節因緣都不恠悻必戴星褰裳僮父屢
將及乎寢門之外矣卽以書示爾暨六郎云如此

寶綸堂集

七言絕
卷之九

五

高會若不多讀兩句書寫得數個字而赴之不唯
有愧殘春兼之慚負賢主我亦作大士一軀詠貧
士傳數則而去乃示此詩

送春邀我兩紅裙急管繁絃爭暮雲書畫課程當蚤
盡老夫聊此致慇懃

五叔招賞海棠卽席索詩

花事於今大半過海棠開得甚婆娑主人出酒君當
醉况復秋來風雨多

病中示漢翔虞美

五月輕寒太不時清涼山下病夫宜蓮翁宜計諸人

病寧使蓮翁小不支

二

夜飲朝眠度老年不爲商賈不耕田終逢禍至災生
日畫幅觀音祈佛天

澄懷草堂寄人

此行人道爲秋來醉臥南屏紅葉堆可笑癡情幾日
也泥君一笑兩三回

題盛伯含冊頁

雞肋猶東棄去難兩湖簫鼓強爲歡得君幾幅荆關
筆種樹溪山心也安

寶綸堂集

七言絕
卷之九

五

寄藍田叔

聞君奇疾近來平好友慚無餽藥情此後當來脩舊
好肯將薄道負平生

又

問病靈峯學道宜也須蓮老一商之可憐染着聲歌
業醉後纏頭寫柳枝

寄沈澤民

半生不爲一生忙覆碗傾杯臥笛床垂老尙無商略
處夜來唱曲喚王郎

醉書畱別何士儀

黃葉林皋已送秋
秋風散葉付江頭
酒闌好友難畱
住有個因緣不肯畱

題治徵叔小像

鐵篋梅花臥墨庄
玉船載酒老僧嘗
置子丘壑爲予
寫怕說邊烽照建章

與僧

慧業今生入道場
草堂靈上有商量
鉢緣未至君休
嘆淡省如拈一炷香

卽事

一百五日春郊行
三十六溪春水生
千秋館裏逢雨

寶綸堂集

七言絕
卷之九

庚

急射的峯前看晚晴

寄何實甫

略紅樹葉淡黃暉
閒陣哀鴻錯落飛
一片秋聲秋色
裏壽簾拖個老僧歸

二

每到竹籬茅舍飲
熨斗村西一帶林
急憶匆匆成老
大酒瓢在手更何心

有感

好趁天晴去看梅
春霜露白雨將來
杖頭不用懸錢
去社散山房有舊醅

聞趙大見捷

趙大能文遇最遲從今已往輔明時深山忽得君消息連進松花酒數卮

戲贈友并呈余大監宗

半升麥飯午間無笑殺長鬚赤腳奴但得將軍曾貺與君如無米便相呼

贈張美仲

藏經高閣倚清涼我亦臨溪結佛堂兩個髮僧貪米汁戒刀夢斬左賢王

與克之兄遊爐峯

寶綸堂集

七言絕
卷之九

七

原無猛志着蒲衣又逐人間是與非且喜今年成一事南山揚得數峯歸

五日觀妓

佳人索我賞花詩偏我吟詩醉酒時放宕不拘吟數絕座中笑得傍花枝

偶成

菱草青青水滿湖湖邊鵝鴨自相呼日長睡起捲簾坐閒聽漁舟喚賣鱸

二

懶聽門前長者車有田堪種水堪漁是非不入松風

耳花落花開只讀書

可笑

乞兒向火雪樓中笑煞清溪白石翁
掃盡雖同有別綉簾泥土落花風

二

可笑題名在酒樓
討論榕論桂白蘋洲鑑湖祭
孥雙漿黃口巡方到白頭

三

可笑精神耗畫圖
又羞一樣畫葫蘆
臨摹前輩思爭座
新意叅之一筆無

寶綸堂集

七言絕
卷之九

五

四

可笑狂徒與利徒
紛紛紆堂上說空無
不如將捧投諸火
溫酒燒豬餉老夫

五

可笑北窗五六月
新嘗麥餅荇酥時
家傳一部華胥譜
醉倚遊仙是正之

六

可笑衰年始用心
有時用淺有時深
若非兒女三餐飯
書畫功夫在茂林

掃除青藤書屋有感

野鼠枯藤盡掃除借人几案借人書五行未下潸然
淚二祖園陵說廢墟

書青藤書屋

桄榔庵與浣花溪野老龜魚畱品題何似青藤書屋
側不聞鐵騎夕陽嘶

二

青藤書屋少株梅倍憶家山是處開若得兵銷農器
日荷鋤移彼數株栽

偶咏

不識如何笑作愁東阡西陌且閒遊兒童其道先生

寶綸堂集

七言絕
卷之九

堯

醉亂折黃花插滿頭

題貞姒傳

十五嚴霜烏夜啼此身原已客天西連環偶醉千山
雪淚浥蓮房一束溪

柳花

春光不負唯楊柳抽葉飛花老子嗟老子一春何所
事只將書畫換紅牙

病中

菊花似趁病中開細領馨香賴小災丸藥方書皆樂
地多他瑤瑟輓金盃

謝送芭蕉

秋雨秋風最可娛
深林叢竹與高梧
成林成拱如何辨
謝子甘蕉分一株

垂楊高柳十餘柯
烏柏香樟亦頗多
暫繫歸舟沾菊酒
蘇州曲子教兒歌

感

山川驅使舊生涯
今作江頭老嘆嗟
莫道迷魂招不得
茱萸灣底柳條家

辰刻

寶綸堂集

七言絕
卷之九

卒

交藤下粥輒而香
山海圖經點幾張
得意之秋重得意
黃鸝睨睨樹中央

焚卻青門使者車
白蓮社裏縛茆廬
晨昏獨禮俱舐像
禮畢呼兒讀父書

幸不生爲憂世人
幸而忘世又家貧
黃花醉後松根臥
霜葉霜華堆滿身

舊時遊客舊亭臺
便是桃花殘也來
最愛主人惜光

景歸鴉陣裏喚殘盃

怕風不上柳橋行華落將書一定情數日有書都懶
看幾時新柳一聲鶯

紅樹不曾看一日立冬轉眼又三朝廿年白石清泉
友不坐長橋便短橋

一生有何得意處名字湖山之內聞錦帶橋邊照白
髮定香橋畔憶紅裙

寶綸堂集

七言絕
卷之九

全

垂柳風中弄酒身幽篁月下聽鐘人料君日日能思
我知我朝朝數出神

金銀闕下老鬚頭鵲枝採得笑僊遊老蓮不解神仙
訣只可隨君過酒樓

清明

欲補清明去踏青未知晴雨就牀聽不聞滴瀝空庭
響聽得空中鴿試翎

老來春曉愛朝眠夢想箏琶盪碧川可慶浪遊先兆
淮有人催下鏡湖船

書屏

天不飢人筆可揮每因癡懶有時飢質衣畱客爲人
笑染酒塗香醮墨衣

二

夢放烏驢瑞草橋護蘭蒔菊課雙髻醒來記得無和
尙許我松陵金鳳苗

三

著衣喫飯盡囉麼只得春行鄭重多昨取西施山上

寶綸堂集

七言絕
卷之九

全

月無詩蚤起補排歌

四

眼底何方離梅雪鼻尖無處避春光春光惱我無由
報只點搜神記數張

送孟方伯

贈別雖然惟筆墨寫君宦况豈云非携將兩袖清風
外看得孤山楸樹歸

爲丁秋平壽書此約同過山陰

西溪灑下萬餘樹和靖磯頭數十株征戰七年畱不
得要看看香雪過吾廬